



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
**PREDSTAVNIČKI DOM**

Broj: 01-011-1257//02.  
Sarajevo, 09. decembra 2002.

**Z A P I S N I K**

sa 2. sjednice Predstavničkog doma Parlamentarne skupštine  
Bosne i Hercegovine

Druga sjednica Predstavničkog doma održana je 09. decembra 2002. godine, poslije završetka Konstitutivne sjednice. Sjednici je prisustvovalo 40 poslanika. Odsustvovali su Mirko Blagojević i Zlatko Lagumdžija.

Predsjedavajući Šefik Džaferović upoznao je poslanike da je na sastanku Kolegija Doma u proširenom sastavu, postignuta puna saglasnost da je donošenje Budžeta institucija BiH za 2003. godinu i Zakona o izvršenju Budžeta prioritarno. Zato je dogovoreno da se ovi akti razmatraju i donesu u najkraćoj mogućoj proceduri, poštujući pri tome akte na kojima je utemeljen rad Predstavničkog doma. Slijedom toga Prošireni kolegij je zaključio da se odmah danas održi 2. sjednica radi izbora radnih tijela koja su neophodna za provođenje osnovne procedure za razmatranje i usvajanje Budžeta i Zakona o izvršenju Budžeta. Također je zaključeno da se 3. sjednica sazove za 12. decembar na kojoj će se razmatrati ovi akti, do kada bi novoizabrane komisije i poslanici imali vremena da akte pročitaju i pripreme se za sjednicu, rekao je, pored ostalog, predsjedavajući Džaferović u uvodnim napomenama na početku 2. sjednice. Zatim je predložio samo jednu tačku dnevnog reda:

1. Izbor članova komisija Doma:
  - a) Ustavno-pravne komisije i
  - b) Komisije za finansije i budžet.

Predsjedavajući Džaferović je pojasnio da je ove dvije komisije neophodno konstituisati danas kako bi se ispoštovala poslovnička procedura za razmatranje Budžeta i Zakona o izvršenju Budžeta za 2003. godinu. Naglasio je da je sadašnji sastav ovih komisija podložan promjenama kada se budu formirale ostale komisije Doma, kako bi se ispoštovali svi kriteriji prilikom formiranja komisija.

O prijedlogu dnevnog reda nije bilo diskusije i isti je jednoglasno usvojen.

Poslije usvajanja dnevnog reda predsjedavajući je dao pauzu kako bi klubovi poslanika predložili kandidate za članove Ustavno-pravne komisije i Komisije za finansije i budžet.

Nakon pauze predsjedavajući Džaferović je konstatovao da su predstavnici klubova usaglasili prijedloge za sastav komisija, pa je pročitao predložene kandidate.

O prijedlogu nije bilo diskusije.

Sa 38. glasova ZA i jednim suzdržanim, za članove Ustavno-pravne komisije izabrani su:

1. Mirsad Ćeman,
2. Seada Palavrić,
3. Nijaz Duraković,
4. Martin Raguž,
5. Filip Andrić,
6. Borislav Paravac,
7. Petar Kunić
8. Tihomir Gligorić i
9. Mladen Potočnik.

U Komisiju za finansije i budžet, takođe sa 38 glasova ZA i jednim suzdržanim, izabrani su:

1. Fatima Leho,
2. Hazim Felić,
3. Beriz Belkić,
4. Filip Andrić,
5. Vinko Zorić,
6. Momčilo Novaković,
7. Ljiljana Milićević,
8. Jozo Križanović i
9. Nikola Kragulj.

Poslije izbora članova komisija predsjedavajući Džaferović je, zaključujući rad 2. sjednice, obavijestio poslanike da će se, prema zaključku Proširenog kolegija, 3. sjednica Doma održati 12. decembra, sa dvije tačke dnevnog reda: Prijedlog budžeta institucija BiH i međunarodnih obaveza BiH za 2003. i Prijedlog zakona o izvršenju Budžeta institucija BiH za 2003. godinu.

Ovim je završen rad 2. sjednice.

Sastavni dio Zpisnika je transkript 2. sjednice Predstavničkog doma.

SEKRETAR  
PREDSTAVNIČKOG DOMA  
**Branka Todorović**

PREDSJEDAVAJUĆI  
PREDSTAVNIČKOG DOMA  
**Šefik Džaferović**